

ՀԱՅԵՐԻ ՑԵՂԱՍՊԱՆՈՒԹՅՈՒՆԸ ԿԻԼԻԿԻԱՅՈՒՄ
1915—1916 թթ.

Ռ. Հ. ԳԱՍՊԱՐՅԱՆ

1908 թ. երիտթուրքական հեղաշրջումից հետո Արևմտյան Հայաստանում և Օսմանյան կայսրության հայաբնակ այլ վիլայեթներում հայության սոցիալ-քաղաքական վիճակն ավելի բարդացավ: Յուրացնելով Աբդուլ Համիդի հայահալած քաղաքականությունը և ժառանգելով նրա քաղաքական գործելակերպը, երիտթուրքերը շատ շուտով հրաժարվեցին Թուրքիայի ողջ ազգաբնակչության ազատության, հավասարության և եղբայրության կարգախոսներից՝ որդեգրելով պանթուրքիզմի ռազմատենչ քաղաքականությունը:

Երիտթուրքական կուսակցությունը և թուրք ազդային բուրժուազիան հետամուտ էին ոչ թուրք, մասնավորապես քրիստոնյա ժողովուրդների տնտեսական և մշակութային գերազանցության ոչնչացմանը: Դա գլխավորապես ուղղված էր հայերի դեմ, քանզի նրանք այն ժողովուրդներից էին, որոնք իրենց ձեռքում էին պահում Վկայություն բովանդակ տնտեսական ուժը¹, և թուրք ազդային բուրժուազիայի մոլեռանդ տրամաբանությամբ տնտեսական առավելությունն ու հզորությունը հայերից խլելու հնարավոր միակ միջոցը վերջիններին ֆիզիկական ոչնչացումն էր:

Հայերի ցեղասպանությունը հասունանում էր XIX դ. վերջին քառորդից, երբ միջազգային դիվանագիտության խնդիր դարձած Հայկական հարցը եվրոպական պետությունների կողմից Թուրքիայի վրա դիվանագիտական և քաղաքական ճնշման բազմաթիվ առիթներ էր ստեղծում: Սվ ահա, Հայկական հարցը մեկընդմիջտ լուծելու համար երիտթուրքերը որոշեցին օգտագործել պատեհ առիթը՝ առաջին աշխարհամարտը: Համոզված լինելով, որ օտարերկրյա միջամտություններն այս անգամ բացառված են և, օգտվելով Գերմանիայի աջակցությունից, նրանք որոշեցին ամբողջ աշխարհը կանգնեցնել կատարված փաստի առաջ: Խաղաղով թուրք ժողովրդի ազգային զգացմունքների հետ, «Միություն և առաջադիմություն» երիտթուրքական կոմիտեն բորբոքում էր դրանք՝ հայ ժողովրդին ներկայացնելով որպես դավաճանի, որն անցնում է Ռուսաստանի կողմը և թիկունքից հարվածում Օսմանյան կայսրությանը, որպես ատելի տարրի, որն իր ձեռքն է վերցրել Թուրքիայի ողջ հարստությունները և շահագործում է ժողովրդին, որպես մի խոչընդոտի, որը սեպի պես խրվել է մահմեդական աշխարհում և խանգարում է համաթուրանական լայնածավալ կայսրության ստեղծմանը: Ուստի, թուրք ժողովրդի ձկենական շահերը պահանջում են ոչնչացնել հայերին: Ինչպես նշել է անգլիացի հայտնի գիտնական Դ. Լենգը, Ստամբուլից մինչև Սամարղանդ ընկած Մեծ Թուրանի ստեղծմանը խոչընդոտում էին երեք միլիոն հայերը, որոնց ռազմապետական երիտթուրքական քաղաքականության գլխավոր խնդիրն էր²:

1915 թ. սկզբին գործի անցավ իթթիհատի ռազմակերպությունը (Թեշվիլյաթե մահսուսի-ե), որի վրա էր դրված ցեղասպանության անմիջական գործադրությունը, իսկ ապրիլի 15-ին Թալեաթի, էնվերի և Նազըմի ստորագրությամբ տեղական իշխանություններին ուղարկվեց ջարդերի զաղտնի հրամանը: Աղանայի և Հալեպի վիլայեթների, Կիլիկիայի ու Սիրիայի

¹ Դեռպան Մորկենթաուի պատմաձեները, Կ. Պոլս, 1919, էջ 282:

² D. M. Lang, The Armenians, A People in Exile, London, 1980, p. 57.

հայություն տարագրությունը և ջարդերը հանձնարարվում է Օսմանյան Թուրքիայի եռապետության անդամ, ծովային նախարար և 4-րդ զորաբանակի հրամանատար Զեմալ փաշային, որը, ինչպես նկատել է Թուրքիայում ԱՄՆ-ի դեսպան Հ. Մորգենթաուն, ներկայացնում էր «ան ձգտումը, որուն ազդեցությունը արագորեն պարտագրվեցավ կառավարական քաղաքականության, ատ ձգտումը համխալամությունն էր. ճեմալ... կը բաղձար թրքացնել ամբողջ կայսրությունը»³:

Եղեռնից հետո և՛ երիտթուրքերը, և՛ թուրք քաղաքական գործիչները, պատմաբանները ժխտել և ժխտում են հայկական կոտորածների փաստը, մերժում են նրա ծրագրված և կազմակերպված լինելը, ուղղակի հայտարարելով, որ, ելնելով պատերազմական, ռազմական շրջանի հրամայական պահանջների անհրաժեշտությունից, կառավարությունը պետության անվտանգությունն ապահովելու նպատակով տեղահանել է ռուս-թուրքական սահմանագլխին բնակվող և ռուսներին համակրող հայ ազգաբնակչությանը և ուրիշ ոչինչ: Միանգամայն այլ հարց է, որ ճանապարհի դժվարություններից, սովից, հիվանդություններից և ինչ-ինչ զրկանքներից զոհեր են եղել: Սակայն այս ցինիկ և սին գրույթը հողս է ցնդում թեկուզ Կիլիկիայի օրինակով, որը, գտնվելով Միջերկրական ծովի ափին, հարյուրավոր կիլոմետրերով հեռու էր կովկասյան ռազմաճակատի թատերաբեմից:

Առաջին համաշխարհային պատերազմի նախօրյակին Կիլիկիայում հայերի թիվը 400.000 էր⁴: Ինչպես այլուր, այնպես էլ Կիլիկիայում պատերազմ հայտարարելուց հետո սկսվեց զորահավաք և 21—45 տարեկան բոլոր հայ տղամարդիկ զորակոչվեցին: Դժվար չէր հասկանալ, որ սա հետապնդում էր հայությունը կոչող ուժից զրկելու նպատակ: Ապա թուրքական կառավարությունը պատերազմական ժամանակի, ռազմական դրության և բանակի կարիքները հոգալու պատրվակով սկսեց բռնագրավել հայերի ողջ գույքը, առաջին հերթին զենքերը, ապա անասունները, սնունդը և այլն: Ընդամենը, այդ գործողություններն ուղեկցվում էին ահավոր բռնություններով: Հ. Մորգենթաուն նկատել է, որ Վրացիները և առաջ հարկ էր առնել անոնցմե պաշտպանության բոլոր միջոցները⁵:

Երիտթուրքերի կառավարությունը տարագրությանն ու զանգվածային կոտորածներին Կիլիկիայում ձեռնամուխ եղավ շատ ավելի վաղ, քան Արևմտյան Հայաստանում և հայաբնակ այլ շրջաններում: Տեղահանությունը սկսվեց Զեյթունից: Գա ունեի իր հիմնավոր դրդապատճառները: Հայտնի է, որ թուրքական կառավարությունը միշտ էլ մասամբ երկյուղել է ընդհանրապես Կիլիկիայի, մասնավորապես Զեյթունի, ազատաբաղձ և մարտնչող հայության ընդվզումներից: Բացառված չէր, որ եթե սկզբում տեղահանություններ և ջարդեր տեղի ունենային Կիլիկիայի այլ վայրերում, ապա Զեյթունն անտարբեր դիտորդի դերում չէր մնա: Ողջ Կիլիկիայի անառիկության գաղափարը կապված էր Զեյթունի անպարտելիության մտքի հետ: Օսմանյան կառավարությունը զգալի ուժեր տրամադրեց Զեյթունի տեղահանությունն իրականացնելու համար և գոնե սկզբնական շրջանում գործում էր մեծ զգուշությամբ, դիմում բազմաթիվ խորամանկությունների: Զեյթունի պարպումը, որը փաստորեն սկսվել էր 1914 թ. սեպտեմբերին, ավարտվեց 1915 թ. մայիս-հունիս ամիսներին: Ընդ որում, թուրքական իշխանությունները որոշ դեպքերում Զեյթունի նկատմամբ խիստ զգույն քաղաքականություն էին վարում՝ ջանալով տեղի չտալ ուժգին հուզումների, որոնք կարող էին հանգեցնել աննկուն լեռնականների ապստամբությանն ու զինված պայքարին: Բացառված չէր, որ այդ դեպքում Զեյթունի օրինակին կհետևեին գոնե Լեռնային Կիլիկիայի որոշ շրջաններ, և այդ պարագային Զեյթունը կդառնար ռազմական

³ Դեսպան Մորկենթաուն..., էջ 178:

⁴ Մշակ, 31. VII. 1913,

⁵ Դեսպան Մորկենթաուն..., էջ 295:

ճամբար, որի դեմ կառավարութիւնը ստիպւած կլինէր կանոնավոր զորքեր հանել և ծանր պատերազմ մղել: Ուստի անհավանական չէ, որ հնարավոր այս ամենն ի նկատի ունենալով էլ թուրք շարդարարներն իրենց քստմենքի ծրագրի իրագործումը սկսեցին Զեյթունից:

1914 թ. հուլիսի 21-ին Խուրքիայում զորահավաք է սկսւում, սակայն զեյթունցիներն աշխատում են խուսափել զինվորագրութիւնից, քանզի «ամեն ինքնահաճ հայ պիտի նախընտրէր մեռնել, քան կռիւն ի նպաստ Թուրքիոյ»: Նուտով իրթրհատի կողմից Սարաշի կառավարիչ է նշանակւում Վիլհելմ Գրաքսիանով, հայատյաց Ալի Հայտար անունով մսկը՝ միմիայն Զեյթունը կործանելու նպատակով⁶:

Օգոստոսի կեսերին Հայդար Ալին մեկ վաշտով Մարաշից շարժւում է Զեյթուն: Տեղեկանալով այդ մասին՝ գյուղաքաղաքի վերնախավը որոշում է հարգանքով զինավորել փաշային և հնարավորին չափ գոհացնել նրան: Ժամանելով Զեյթուն՝ Ալի Հայդարը պահանջում է հանձնել դասալիքներին և զենքերը: Սա, անկասկած, հետապնդում էր Զեյթունը կովող ուժից զրկելու նպատակը: Կ. Պոլսի Խալիկն պատրիարքին հասցեագրւած նամակում Կիլիկիայի Սահակ կաթողիկոսն իրաւացիորեն նկատում է, որ «կառավարիչը (նկատի ունի Հայդար Ալուն—Ի. Կ.) զինվորական հրամանատարին հետ համախորհուրդ, քանի մը դասալիքներ պատճառաբանելով, կը պատրաստեն զսպողական անլուր միջոց մը»⁷: Ապա սկսւում են բռնութիւնները, խռտանգումները, ձերբակալութիւնները՝ զենքը հանձնելու պահանջով: Շատերը կը ստիպւին գաղտնի զենք դնել և տալ, որ խռտանգումեն սրգատին⁸: Զեյթունցիների մոտ գտնւող մարտիսի սիստեմի շուրջ հրացաններից բռնագրավել էին 150-ը, ինչպես նաև բազմաթիւ որսորդական հրացաններ: Իսկ բնակչության նկատմամբ կիրառւող բռնութիւնները զնալով ավելի խստանում և վայրագ բնույթ էին ստանում, որոնք, անտարակույս, իրականացւում էին բնակչությանն ճնշող մոլութիւն մղելու և այդպեսով զայն ապստամբած ներկայացնելով՝ զինվորական նվաճումի մը ձեռնարկելու շարադետ ու հայրենադավ միտումներով⁹: Զ. Սորգենթաուի վկայութեամբ, «թուրքական իշխանութիւնները անհավատալի դաժանութեամբ են վերաբերւում Զեյթունի և Մարաշի հայ ազգաբնակչությանը. հիմնւելով մի քանի դասալիքների արարքների վրա, նրանք տարագրում են անմեղ բնակչության մի զգալի մասը»¹⁰:

Այս անկասելի հետևանքներով հղի իրադրութեան պայմաններում Զեյթունը պառակտւած էր երկու մասի: Վերնախավի մի մասն առաջարկում էր հնազանդել կառավարութեանը, իսկ մյուս մասը փրկութիւնը տեսնում էր միայն ինքնապաշտպանութեան մեջ: Ի վերջո որոշւում է առաջնորդել կաթողիկոսարանից ստացւած հրահանգներով, այն է՝ հնազանդել: Մի կողմից Մարաշից Զեյթուն ժամանած հայ պատվիրակները, մյուս կողմից՝ Սսի և Կ. Պոլսի հոգևոր առաջնորդները հորդորում էին ենթարկւել, տեղի չտալ հուլաններ, քանզի «Զեյթունի որդեգրելիք դիրքը կարևոր էր բովանդակ հայ ժողովրդի լինելիութեան տեսակետէն ալ»¹¹: Զեյթունի՝ սպիտակ դրոշ պար-

6 Տ. Ա. Ն. դր. Կ. Ս. յ. ան, Զեյթունի անձնատվութիւնը և Սուրհո ինքնապաշտպանութիւնը, Կահիրե, 1915, էջ 9:

7 Զ. Մ. Պոլսի Կ. Ս. յ. ան, Զեյթունի պատմութիւնը 1409—1921 թթ., Երևան, 1969, էջ 383:

8 Յ. Ն. Լ. Կ. Ս. յ. ան, Հայաստանի շարդերը, Կ. Պոլս, 1919, էջ 12:

9 Գ. Բ. Զ. Գ. Ս. յ. ան, Մարաշ կամ Գերմանիկ և հերոս Զեյթուն, Նյու Յորք, 1934, էջ 172:

10 Կիլիկիո կաթողիկոսի Վալերադրի Կիլիկիո կաթողիկոսական դիմանք, 1903—1915, Բեյրութ, 1927, էջ 115:

11 H. Morgenthau, Mémoires Suivies de Documents Arédicts du Département d'Etat, Préface de Yerrail Chaliand, Paris, 1984, p. 349—350.

12 Լ. Ն. Ս. յ. ան, Զեյթունը 1914—1921 թթ. (հուլիս), Երևան, 1984 թ., էջ 13:

գեղու մեջ մեղքի իր մեծ բաժինն ունի Սահակ կաթողիկոսը, որը երկյուղում էր, թե ղեկթունցիների անհնազանդության դեպքում տեղահանության վտանգը կսպառնա իր ողջ համայնքին: Օսմանյան իշխանությունները Կիլիկիայի կաթողիկոսի միջոցով հայտարարեցին, որ եթե ղեկթունցիները դիմադրեն, ապա դաշտավայրում ապրող նրանց ազգակիցների վրա ճնշում կգործադրվի, մինչդեռ եթե նրանք ենթարկվեն և հանձնեն զենքերը, թե՛ իրենց, թե՛ դաշտեցիներին հանգիստ կթողնեն: Ուստի Ղեկթունի առաջնորդները մեծ մասը չորոշել էին դիմել ամեն ինչի՝ խաղաղությունը պահպանելու համար¹³: Անգլիական պառլամենտի անդամ Ջ. Բրայսը նշել է, որ թուրքերը «վախեցրին Կիլիկիայի 75-ամյա ծերունի կաթողիկոսին, որ եթե ղեկթունցիները չհանձնվեին՝ նրանք կկոտորեն ողջ հայ բնակչությանը»¹⁴, միաժամանակ նրան հավատացնելով, որ հնազանդության դեպքում Կիլիկիայում ջարդեր և տեղահանություններ տեղի չեն ունենա: Ուստի «Համաձայն կաթողիկոսի թախանձագին խորհրդի, ղեկթունցիները, կարծելով, թե կատարում են իրենց հայրենական պարտքը, ցած զրեցին զենքերը՝ հայրենակիցներին փրկելու համար: Նույն արեցին նաև Դյուբ-Յուլի ու Հասան-Բեյլի բնակիչները»¹⁵:

Ղեկթունցիների այսօրինակ դիրքորոշումը գործողությունների ազատություն է պարգևում թուրքերին. տեղի են ունենում «աննախընթաց անգթություններ, խժոժություններ, ... բարբարոսություններ միայն այն նպատակով, որ ժողովուրդը հուզվի և ինքնապաշտպանության դիմե, որպեսզի առիթ ընծայե բնաջնջման»¹⁶: Կառավարությանը ենթարկվելը, ղեկթունցիներն արդեն դա ըմբռնել էին, նշանակում էր ենթարկվել անլուր տառապանքների, անգութ ջարդերի, ապստամբությունն էլ նշանակում էր մինչ այդ շտեմարման պայքար, որին Ղեկթունն անպատրաստ էր: Սակայն նույն Ղեկթունի հերոսական անցյալի փառավոր փորձն ապացուցում էր, որ փրկության հնարավոր միակ միջոցն այդ էր:

Իր նպատակներին առավել հեշտությամբ հասնելու համար Ալի Հայդարը ձերբակալում է Ղեկթունի վերնախավի հայտնի և հարգարժան անձանց, այդ թվում՝ 1895—1896 թթ. հերոսամարտի կազմակերպիչներից մեկին, գյուղաքաղաքի քաղաքագլուխ Նազարեթ Զուռլին, և ուղարկում Մարաշ, որով և գլխատում է գավառակի հայությունը՝ նրան զրկելով իր առաջնորդից: Ձերբակալվում են 320 հայեր, որոնց մեծ մասը բանտում սպանվում է: Հուզումը և շփոթությունը գնալով ահագնանում է: Բռնությունները տարածվում են նաև գավառակի հայկական գյուղերում:

Ղեկթունը գլխատելուց հետո թուրքերն առավել վայրագորեն են սկսում վերաբերվել խաղաղ և աշխատավոր ժողովրդի հետ: Դասալիքների հարազատները ստորացուցիչ պատիժների էին ենթարկվում: Նդան բռնաբարությունների բազմաթիվ դեպքեր: Ճեղքանցում, ծեծ, հալածանք աներևակայելի թափով կշատնան և կտարածվին բոլոր շրջանակներում մեջ: Ոչ ոք կհամարձակի նույնիսկ բառ մը արտասանել օրվա կացության շուրջ: Ամեն ինչ ստիպված էր երեկոյան ժամը հինգին հետո քաշվիլ իր տունը: Կամայանան քաղաքն ու գյուղերը: Խավարին հետ ամեն օր կիշնե սարսափն ու վիշտը՝ հայ տներեն ներս»¹⁷, — ցավով հիշում է դեպքերի ականատես Լ. Նորաշխարհյանը:

Այլևս համբերության բաժակը լցված էր: Իր պատվախնդրությանն ու ազատությանը հետամուտ ղեկթունցին այլևս անկարող էր դիմանալ այն կեղեքումներին և անպատվություններին, որոնց ենթակա էր արդեն մի քանի

¹³ The Treatment of Armenians in the Ottoman Empire 1915—1916. Documents Presented to Viscount Grey of Fallodon, by Viscount Bryce, London, 1916, p. 468

¹⁴ The Times, 25. VII. 1916.

¹⁵ Նույն տեղում:

¹⁶ Կիլիկիո կսկիծներ, էջ 146:

¹⁷ Լ. Նորաշխարհյան, նշվ. աշխ., էջ 31:

Ուժերը խիստ անհավասար էին: «Մեկ կողմն արդիական զենքերով կազմակերպված բանակ մը կար, մյուս կողմն՝ 40 անձնագոհ քաջեր միայն քանի մը «մավգեր» և շաղմազը հրացաններով»²², — հիշում է Լ. Նորաշխարհյանը: Մարտի 14-ին թուրքական ուժերն անցնում են հարձակման: Կես ժամ անընդմեջ շարունակվում է վանքի ուժեղացումը, սակայն մի բուռ հայ հերոսները, հմտորեն դիրքավորված, մնում են անվնաս: Թուրքերը, քաջալերվելով և կարծելով, թե վանքի պաշտպանները կամ զոհվել են, կամ փախուստ տվել, անցնում են հարձակման: Իսկ շուտով իրար են հաջորդում հայ քաջորդիների պատասխան համազարկերը: Թշնամին բազմաթիվ զոհեր տալով նահանջում է: Որոշ ժամանակ անց թուրքերը վերադասավորում են իրենց ուժերը և պատրաստվում նոր գրոհի: Սրկորդ հարձակումը տեղի է ունենում հազարապետ Սուլեյմանի գլխավորությամբ: Չնայած հայ պաշտպանների դիպուկ կրակոցներին, թուրքերին այս անգամ հաջողվում է գրավել վանքի մատույցներում գտնվող այգիները և ընդհուպ մոտենալ վանքի պարիսպներին ու հայ քաջերի գրաված դիրքերին: Սակայն վերջիններիս հաջողվում է բռնել, կատաղի ու սրբնթաց գրոհով ջախջախել և հետ շարժել թշնամուն: Ահեղ մարտում սպանվում է և հազարապետ Սուլեյմանը: Այս կրկնակի անհաջողությունից հետո թուրքական հրամանատարությունը զորանոցից բերված խոշոր տրամաչափի թնդանոթով և մի քանի հրանոթներով սկսում է ուժեղացնել վանքը: Գիշերը, օգտվելով մթության քողից, Եղիա Նորաշխարհյանի խումբը հեռանում է վանքից՝ բարձրանալով լեռները²³: Եթե հավատ ընծայենք Զեյթունի բողոքական քարոզիչ Տ. Անդրեասյանի տեղեկություններին, ապա 12 ժամ տևած ընդհարման ժամանակ հայերը տալիս են ընդամենը 1—2 վիրավոր, թուրքերը՝ 101 սպանված և 110 վիրավոր²⁴: Այս կովի մասին Լոնդոնի «Թայմս» թերթը գրել է. «Զեյթունում դուրսվող թուրքական զորքերը, որոնք կազմում էին 5000 մարդ, հարձակման անցան, կորուստներ տալով հետ մղվեցին, իսկ գիշերն ըմբոստները թողեցին ճամբարը»²⁵:

Հեռանալով վանքից՝ ըմբոստների մի խումբը քաջաբար մաքառում է Ֆլնտերձագի հերոսամարտում, մյուս մասը մինչև 1918 թ. զինադադարը մնում է հայրենի լեռներում՝ բազմիցս հաղթական մարտեր մղելով թուրքական զորակազմի կանոնավոր ուժերի և թուրք խուժանի դեմ: Նրանց նույնիսկ մի քանի անգամ հաջողվում է անսպասելի ու վճռական հարձակումներով փրկել տարագրյալ հայերին, որոնք նույնպես ապաստանում են Զեյթունի անմատչելի լեռներում²⁶:

Վանքի ընդհարումից հետո կառավարությունը ձեռնամուխ եղավ բնակչության տարագրությանը, վստահ իր ուժերին, քանզի գլուղաբաղաքի քաջարի պաշտպաններն արդեն հեռացել էին, իսկ ժողովուրդը, նոր ըմբռնելով տեղի ունեցած իմաստը և իրերի, դեպքերի զարգացման իրական ընթացքը, մատնվեց ծայր հուսահատության: Մարտի 26-ից (ապրիլի 7-ից) թուրքերը սկսում են տեղահանել զեյթունցիներին²⁷: Ապրիլին տարագրության սարսափներով և արհավիրքներով լի ճամփան են բռնում Զեյթունի Պողոսյանի, Գարեգինի և Միշին թաղերի բնակիչները: Նույն ժամանակահատվածում տեղահանվում են նաև գավառակի Արեգին, Ալապողան, Գոշող, Ղուրա, Հա-

²² Լ. Նորաշխարհյան, նշվ. աշխ., էջ 15:

²³ Վանքի կովի մասին մանրամասն տե՛ս Լ. Մ. Պողոսյան, նշվ. աշխ., էջ 394—396, Լ. Նորաշխարհյան, նշվ. հուշերը, էջ 38—41, Տ. Անդրեասյան, նշվ. աշխ., էջ 19—20, Զեյթունի պատմագիրքը, էջ 668—669:

²⁴ Տ. Անդրեասյան, նշվ. աշխ., էջ 20:

²⁵ The Times, 25 VII. 1916.

²⁶ Մ. Պ. Աղայան, Հայ ժողովրդի ազատագրական պայքարի պատմությունից, Երևան, 1971, էջ 424:

²⁷ Armenian Martyrs Day April 24 San Francisco, 196, p. 12.

Ճիտերե, Կոստուղաս, Սյունե, Քյոմե-Սյոյուա, Ֆենկ, Ֆոնուզ, Շիվիլիկ դյուղերը, Մայիսի կեսին բռնագաղթի են ենթարկվում գյուղաքաղաքի և գավառակի վերջին 400 ընտանիքները²⁸, 1915 թ. հունիսի 11-ին բուլղարահայ թեմի առաջնորդ Տուրյանը Ֆիլիպեից Ամենայն հայոց կաթողիկոսին հաղորդում է. «Ջեյթունի և շրջակայից հայութունը, ինչպես անշուշտ իմացած եք, այժմ ամբողջովին տեղափոխված է, մեկ մասը Հալեպեն անդին Ձոր (Դեր էլ-Ձոր—Ռ. Գ.) գավառը և մյուս մասը (իբր 1000 ընտանիք) Գոնիայի Սուլթանիե գյուղաքաղաքը, ուր կմնան այսօր մերկ, անոթի և անպատասպար: Տեղը ճախճախուտ ըլլալով համաճարակ հիվանդութունը արդեն սկսած են կոտորածներ ընել անոնց մեջ»²⁹:

Ջեյթունի և գավառակի բռնագաղթի ենթարկված 30.000 հայութունից ավելի քան 8000-ը աքսորվեց Կոնիա, իսկ մնացածը՝ Դեր էլ-Ձոր: Կիլիկիայի Սահակ կաթողիկոսն անսփոփ վշտով և կսկիծով նշում է, որ ավելի քան 20.000 ղեյթունցիներ ժողովի նման ցրված են արաբներուն մեջ»³⁰: Տարա-գրութունը տեղի էր ունենում ամենատաժանելի և դժոխային պայմաններում, որոնք միտումնավոր ստեղծում էին թուրք ջարդարարները: Բավական է նշել միայն, որ Պողանթիից Աղանա ընկած ճանապարհին՝ Գարա-Փունար կոչվող վայրում, ղեյթունցի տարագրյալներից օրական 150—200 մարդ էր մահանում³¹:

Ջեյթունի հայության տարագրութունից հետո թուրքական կառավարութունը ձեռնամուխ է լինում Լեռնային Կիլիկիայի մնացած բնակավայրերի հայության տեղահանությանը: Ջեյթունի հետ տեղի ունեցավ Դյորթ-Յուլի բռնագաղթը: Հետեկով Կիլիկիայի կաթողիկոսի և հայ քաղաքական որոշ անհեռատես ուժերի խորհուրդներին, Դյորթ-Յուլը, որը մինչ այդ անպարտելի և անմատչելի էր թուրքական զորքերի համար, այս անգամ տեղի տվեց, որի արդյունքը եղավ բնակիչների ամբողջական գաղթն ու գյուղի ավերումը: Առաջին հերթին ձերբակալվեցին և դաժան դատաստանի ենթարկվեցին ալյն հայերը, որոնց անունները գրանցված էին որպես 1909 թ. կոտորածի ժամանակ ինքնապաշտպանության դիմածներ, կամ ուղբեր որ զենք ունեին կամ որևէ այլ մեղադրանք էին կրում»³²: Մայիսի 5-ից հունիսի 6-ը մասնակի ջարդերի իրականացումով տարագրվում է Դյորթ-Յուլի և շրջակայքի 22.000 հայութունը, որից անմիջապես հետո ամբողջ շրջանը բնակեցվում է թուրքերով³³:

Վերոհիշյալ դեպքերից հետո ջարդերը տարածվում են նաև Կիլիկիայի վարչատնտեսական կենտրոն Ադանայում, որտեղ թուրքերը հայերի հանդեպ ցուցաբերում էին այն նույն վերաբերմունքը, ինչ 1909 թ. կոտորածներից առաջ³⁴: Ինչպես այլուր, այնպես էլ Ադանայում երիտթուրքերն առաջին հերթին տարագրեցին և ոչնչացրին մտավորականությանը, ազգային գործիչներին, հայտնի քաղաքացիներին ու ազդեցիկ անձանց: Յո. Լեփսիուսն իրավացիորեն նկատել է, որ այդ ռեժիմի հանդեպ միջոցը նպատակ ուներ հայ ժողովրդին զրկել իր առաջնորդներից, որպեսզի տեղահանութունը հնարաձոր լիներ իրականացնել առանց աղմուկի և դիմադրության, որ նախքան հայ

²⁸ Հ. Մ. Պողոսյան, նշվ. աշխ., էջ 397:

²⁹ ՀՀ կենտրոնական պետական պատմության արխիվ (այսուհետև՝ ՀՀ ԿԳՊԱ), ֆ. 57, ց. 5, գ. 96, թ. 29:

³⁰ Կիլիկիո կսկիծներ..., էջ 176:

³¹ The Treatment of Armenians, p. 470.

³² Նույն տեղում, էջ 505:

³³ A. J. Toynbee, Armenian Atrocities. The Murder of a Nation, London, 1915, p. 99.

³⁴ Նույն տեղում, էջ 80:

ժողովրդի առանձին հատվածների ոչնչացումը ցանկանում էին գլխատել նրան³⁵:

1915 թ. սեպտեմբերի առաջին շաբաթին բռնագաղթվեց քաղաքի հայու-թյան 2/3-ը: «Ժուռնալ դե Ժենևե» 1915 թ. սեպտեմբերի 9-ին տպագրած հա-զորդագրությամբ հավաստում է, որ Ազանայի ամբողջ շրջանը մաքրված է հայերից³⁶: Հալեպում գերմանական հյուպատոս Վ. Ռյոսլերի հեռագրի համա-ձայն (1915 թ. մայիսի 26) Ազանայի վիլայեթից և արևելյան շրջաններից տարագրված հայ ընտանիքների թիվը հասնում էր 10.000-ի³⁷: Վերջինս միա-ժամանակ նշում էր, որ երիտթուրքական կառավարությունը նպատակ ունի ոչնչացնել այդ շրջանի ողջ հայությունը³⁸: Տարագրության և կոտորածների ենթարկվեց քաղաքի և հարակից շրջանների մոտ 38.000 հայությունը³⁹: Թուր-քիայում Գերմանիայի դեսպան Վանգենհայմը 1915 թ. հուլիսի 7-ին ռեյխս-կանցլերին ուղղած հաղորդագրության մեջ վկայում էր, որ Ազանայի վիլա-յեթի մի շարք շրջաններում տարագրությունն արդեն իրականացվել է, և այն մեթոդները, որով այն տեղի է ունեցել, ապացուցում են, որ կառավա-րությունը մտադիր է ոչնչացնել հայ ազգը⁴⁰:

Տեղահանելով հայերին՝ թուրքերը տարագրության ճանապարհին գործի էին դնում ոչնչացման ապարատի բոլոր պտուտակները. գաղթախմբերի վրա էին հարձակվում թուրք խառնամբոխը, կանոնավոր բանակի զորամասերը, հատուկ ստեղծված ավազակախմբերը, ոստիկանությունը, քրդական ուժե-րը, իսկ պակասը լրացնում էին ճանապարհի դժվարությունները, անապա-տային տաժառնելի պայմանները, սովը, հիվանդությունները⁴¹: Նկարագրելով թուրքերի սահմակեցուցիչ վայրագությունները, զազանաբարո հաշվեհարդար-ները, կանանց և երեխաների սպանությունները, Հ. Գիրբոնսը դառը հեզնան-քով գրում էր, որ վերջիններս, այնուամենայնիվ, վտանգ էին ներկայացնում Օսմանյան կայսրության համար, իսկ ԱՄՆ-ում Թուրքիայի դեսպանը ցինի-կորեն հայտարարում էր, թե կանանց և երեխաների նկատմամբ բռնություն-ներ երբեք չեն եղել⁴²:

Հաճընի տարագրությունն իրականացնում է Ազանայի պատերազմական ատյանի (ռազմական դատարանի) նախագահ Ավնի բեյը: Հաճընի երիտա-սարդությունը 1909 թ. օրինակով ցանկանում էր ինքնապաշտպանության դի-մել, բայց «Տարեց և հեռատեղ մասը, սակայն, աչքի առնելու և ունենալով մեծ տնտեսական ու ռազմական տկար պայմանները, մանավանդ տարագրու-թյան ահավոր հեռապատկերը, խոհեմություն կնկատեր ենթարկվել կառա-վարության հրահանգներին և կարելի չափով զոհացնել Ավնի բեյը⁴³: Այդ որոշման մեջ էր հաճընցիների ողբերգությունը: Պարզ է, որ այստեղ ևս, ինչպես ամենուրեք, գործում է տարագրության և բնաջնջման նույն սխե-ման. զենքի բռնագրավում, դատալիքների հանձնում, հայերին պաշտպա-նության միջոցներից զրկում, տարագրության իրականացում՝ ճանապարհին տարագրվողների մեծ մասի կոտորումով: Շվեյցարական «Բազելեր Նախըրիս-տեն» թերթի վկայությամբ տարագրության վերջնական կետերն էին հասնում

35 Геноцид армян в Османской империи. Сборник документов и материалов под ред. М. Г. Нерсисяна, Ереван, 1982, с. 388.

36 The Treatment of Armenians, p. 503.

37 Յ. Մ. Լեփսիուս, նշվ. աշխ., էջ 76:

38 Պատմա-բանասիրական հանդես, 1986, № 2, էջ 35:

39 Геноцид армян..., с. 349.

40 Պատմա-բանասիրական հանդես, 1986, № 2, էջ 33:

41 A. J. Toynbee, Turkey. A Past and a Future, New York, 1919, p. 22.

42 Г. А. Гиббонс, Последние избиения в Армении, Пгр., 1916, с. 13.

43 Յ. Պ. Պոպույան, Հաճընի ընդհանուր պատմությունը և շրջակա Գողան Տաղի հայ գյուղերը, Լոս-Անջելես, 1942, էջ 589:

բռնագաղթի ենթարկվածների ընդհանուր թվի 1/4-ից էլ քիչ մասը⁴⁴ Այսպիսով, փրկության միակ հույսը և հնարավորությունը կարող էր լինել լոկ ինքնապաշտպանությունը՝ զինված դիմադրության միջոցով։ Վանի, Ուրֆայի, Մուսա լեռան, Շապին Կաբահիսարի, Սասունի և այլ վայրերի ինքնապաշտպանական մարտերն ապացուցում են, որ գոյատևած հնարավորությունը միայն դրա մեջ էր, քանզի ինքնապաշտպանության դիմած բոլոր վայրերի հայության գոնե շնչին մասը կարողացել էր փրկվել թուրքական յաթաղանին զոհ գնալուց։

Ապստամբության բարձրացման կեղծ մեղադրանքով Հաճընում ձերբակալվում են հնչակյան կուսակցության 35 անգամ, Սա Հաճընի իր առաջնորդներից զրկելու առաջին քայլն էր։ Հայերին զինաթափելուց մոտ 20 օր անց Հաճըն է մտնում Զեյթունի հայությանը տարապրող Ֆահրի փաշան։ Նա իր զորքերը տեղավորում է եկեղեցիներում ու հայկական դպրոցներում, ձերբակալում Հաճընի առավել ազդեցիկ, հարուստ և տեղի հայության շրջանում մեծ հեղինակություն վայելող 200 հայի՝ դրանով իսկ փաստորեն զլխատելով քաղաքի հայությանը։ Կարճ ժամանակում տարազրկում է Հաճընի 35.000 հայությունը՝ Վեր էլ Զորի կիզիչ սուլազուտներում կորցնելով իր մեծ մասին⁴⁵։ Գ. Պալաքյանի տվյալներով հաճընցիներից կենդանի են մնում ընդամենը 350 մանուկներ և ծերեր⁴⁶, քանզի «Հաճընի հետ վարվեցին շատ ավելի անզգորեն թե՛ վտարման ընթացքում և թե՛ ճանապարհին»⁴⁷։

Հաճընի հայության հետ դատաստան տեսնելուց հետո երիտթուրքերն անմիջապես ձեռնամուխ են լինում Կիլիկիայի տնտեսական և մշակութային խոշոր կենտրոններից մեկի՝ Հալեպի վիլայեթում գտնվող Այնթապի շուրջ 30 հազար հայության տեղահանությանը⁴⁸։ Հուլիսին ու անագորույն ապագայի հանդեպ վախը ծագում է ապրիլի 20-ին, երբ Այնթապ է հասնում գաղթական զեյթունցիների առաջին քարավանը։ Աղետը պայթեց հունիսի 15-ին, երբ կառավարությունն ազդարարեց, թե Այնթապի հայերը, ռազմական անհրաժեշտությունից ելնելով, ճերմե ամսով պետք է տեղահանվեն⁴⁹։ Ընդամենը երկու օր անց՝ հունիսի 17-ին, խումբ առ խումբ սկսվում է այնթապցիների տեղահանությունը, որը շարունակվում է մի քանի ամիս։ Հուլիսի 28-ով թվագրված և վեհափառին ուղղված նամակում հաղորդվում է. «Այնթապի և Բիլիսի գաղթը սկսված է. Այնթապեն ելած առաջին երկու քարավանները բոլորովին կողոպտված են»⁵⁰։ Հայ ժողովրդի անկեղծ բարեկամ Ֆ. Նանսենի վկայությամբ՝ Այնթապի վերջին 5000—6000 հայությունը տարազրկեց 1916 թ. հունվարին։ Իսկ 1916 թ. ապրիլին 14.000 այնթապցիներ վայրագորեն սրի քաշվեցին Ռաս Ուլ-Այնում։ Նույն աղբյուրը նշում է, որ օրական 300—500 հայեր գետի ափին խողխողվում էին թուրք բարբարոսների կողմից⁵¹։

Քրդերի, թուրք խուժանի և ոստիկանական խմբերի կողմից հարձակման, կոտորածների և բռնագաղթի են ենթարկվում Այնթապի հայ գյուղերը։ Ականա տեսնելից մեկը հիշում է, որ Ձժամբու դժվարությունները, հոգեկան և ֆիզիկական տառապանքը այնպիսի վիճակի մը վերածած էին զիրենք (հայ

⁴⁴ Геноцид армян..., с. 361.

⁴⁵ Յ. Պ. Պոդոյան, նշվ. աշխ., էջ 593:

⁴⁶ Գ. Պալաքյան, Հայ Գողգոթան. դրվագներ հայ մարտիրոսագրություններ, Ա հատոր, Վրենա, 1922, էջ 311:

⁴⁷ The Treatment of Armenians, p. 503.

⁴⁸ Գ. Պոդոյան, Ցեղասպան թուրքը։ Վկայություններ քաղված հրաչքով փրկվածների զրույցներից, Բեյրութ, 1973, էջ 120:

⁴⁹ Նույն տեղում, էջ 122:

⁵⁰ ՀՀ ԿԳՊԱ, ֆ. 57, ց. 5, գ. 36, թ. 32:

⁵¹ F. Nansen. The Near East and Armenia, London, 1928. p. 308.

տարագրյալներին—Ռ. Գ.), որ անկարելի էր երիտասարդը պառավեն զանա-
զանել⁵²:

1915 թ. ռարնանը թուրքական կառավարությունը ձեռնարկեց նաև Մա-
րաշ քաղաքի և սանջակի հայ բնակչության (առանց Զեյթունի՝ մոտ 32.000)⁵³
տեղահանությունը: Սկզբում ձերբակալվում են Մարաշի ազդեցիկ հայերը:
Ջ. Բրայսը նշում է, որ Մարաշում ավելի քան 300 հայեր մահապատժի են
ենթարկվել զինվորական դատարանի կողմից⁵⁴: Ուսուցիչ Քեշիշյանի վկա-
յությամբ Մարաշի բանտում 650 հայ բանտարկյալներին Ջեմալ փաշայի
հրամանից հետո «2—3 օրվա ընթացքին... այլատեսակ մահերով մեռու-
ցին—լմնցուցին»⁵⁵, Միաժամանակ Մարաշում անմիջապես սկսվում են վայ-
րենի կոտորածները և ահասարսուռ ջարդերը: Ականատեսներից մեկը հիշում
է. «Մարաշի ամերիկյան դպրոցներից մեկում ես տեսա ամենատեսալիկա-
կան ձևով խեղված 100-ից ավելի կանանց և երեխաների (առանց ձեռքերի և
ոտքերի) և նրանց մեջ՝ 1—2 տարեկան երեխաների: Մահմեդական ամբոխին
զվարճացնելու համար ուտիկանները կրակում էին այլանդակված դիակների
վրա»⁵⁶:

Մայիսի 2-ին տեղահանվում է Մարաշի հայության առաջին քաղաքում՝
2000 տարագրյալներից բաղկացած: Հաջորդ ամիսների ընթացքում ամբողջ
սանջակը կոտորածների և բռնազաղթի միջոցով մահաբերվում է հայերից:
Օգոստոսի 7-ին սկսվում է Մարաշի զանգվածային զաղթը: Առանց ուտեստի
և հագուստի (տեղական իշխանություններն արգելել էին որևէ բան վերցնել)
Մարաշի հայությունը ոտք է դնում գողգոթայի ճանապարհը: Օգոստոսի
14-ին գնդակահարվում են 34 հայեր, այդ թվում՝ 12-ամյա երկու տղաներ:
Հաջորդ օրը գնդակահարվում են ևս 24 հոգի⁵⁷:

Հալիպում գերմանական հյուպատոս Վ. Ռյոսլերի 1916 թ. մայիսի 12-ի
հեռագրից տեղեկանում ենք, որ Ջեմալ փաշայի հրամանով տեղի է ունեցել
Մարաշի վերջին 3000 հայերի բռնազաղթը և եղեռնը, քանզի վերջիններս
«զավազրոթյուն» էին կազմակերպել երիտթուրքերի կառավարության դեմ⁵⁸:
Ջարմանայի է, որ դեռ պատրվակ էր փնտրվում Մարաշի հայության վերջին
բնկորի սպանդի «արդարացման» համար:

1915 թ. ապրիլ-հունիս ամիսներին հիմնականում իշխանացնելով կի-
լիկիայի հայության խոշոր կենտրոնների (Ադանա, Մարաշ, Հաճըն, Այնթապ,
Զեյթուն և այլն) և հարակից շրջանների հայերի ցեղասպանությունը, երիտ-
թուրքական կառավարությունը եռանդազին ձեռնամուխ է լինում Կիլիկիայի
մնացած վայրերի հայության տեղահանությանն ու ջարդերին: Այսպես, հու-
լիսի 27-ին թուրքական ոստիկանությունը բռնազաղթի ենթարկեց Կիլիկիայի
ժովափյնյա բնակավայրերի և Անտիոքի հայ բնակչությանը, իսկ հուլիսի 28-ին
սկսվեց Քիլիսի հայության տարագրությունը⁵⁹: Թուրքական 6000 բարբարոս-
ներից բաղկացած զորամասը ներխուժում է Սիս, դաժան հաշվեհարդար
տեսնում հայ բնակչության հետ. մի մասին կոտորում, իսկ մյուս մասին տե-
ղահանում՝ ենթարկելով անլուր շարժարաններին⁶⁰:

Որոշ բնակավայրերում թուրք հրոսակներն ամբողջովին ոչնչացրին հա-
յերին: Այսպես, Ալպիսթանից ոչ հեռու ընկած Բյովերեն գյուղում սրի քաշվեց

⁵² Աղետ և վերածնունդ, էջ 40:

⁵³ Մշակ, 31. VII. 1913:

⁵⁴ The Treatment of Armenians, p. 23.

⁵⁵ Ռ. Հ. Գառապարյան, նշվ. աշխ., էջ 775:

⁵⁶ Геноцид армян., с. 318.

⁵⁷ Նույն տեղում:

⁵⁸ Ст. Степанян, Армения в политике империалистической Германии, Ереван, 1975, с. 129.

⁵⁹ Հուլիսյան մեծ եղեռնի (1915—1965), Բեյրութ, 1965, էջ 46:

⁶⁰ Մ. Քելեշյան, Սիս-Մաթյան, Բեյրութ, 1949, էջ 569:

ազջ բնակչությունը: Պատահականության քմահաճույքով կենդանի մնաց միայն 12-ամյա մի տղա: Մարաշի սանջակի Գյուրուն գյուղից տեղահանված 2800 թշվառները ինկուզեկ տաղ կոչվող կիրճում կողոպտվեցին թուրք խուժանի կողմից: Արյան ծարավին հագուրդ տալու համար թուրքերը սպանեցին 200 հոգու, 70 ծանր վիրավորներ մնացին տեղում⁶¹, 1915 թ. ապրիլի 7-ի թվակիր նամակում Սահակ կաթողիկոսը Զավեն արքեպիսկոպոսին հաղորդում է, որ կրակի է մատնվել Օսմանիե գյուղաքաղաքը, որի բնակչությանն արդեն սկսել են տարագրել: Ապրիլի 8-ին նույն անձնավորությանը հղած նամակում նա տեղեկացնում է. «Սուեփոկ և Քեսապի ալրերը Այնթապի կողմերը իջեցուցած են. կասկած կա Տեր Զոր ղրկելու»⁶²: Հալեպի գերմանական դպրոցի ուսուցիչ Մարտին Նիպահեն վկայում է, որ եթե բռնագաղթի ենթարկված խմբերը բաղկացած էին 2000—3000 հոգուց, ապա որոշված վայրերն էին հասնում ընդամենը 200—300-ը⁶³:

Տեղահանվում է նաև Հալեպի վիլայեթի հայ բնակչությունը (Ալաիսթանից, Գյոքսունից, Անտիոքից, Թաշուլուկից, Կեբենից, Շիվիլիկից և այլն): Անմեղ զոհերը ենթարկվում էին անմարդկային տանջանքների, հոգեկան և ֆիզիկական անլուր տառապանքների, մարդկային արժանապատվությունը ստորացնող անթիվ բռնությունների: «Աշխարհում չկա այնքան հարուստ և պերճախոս լեզու, որպեսզի կարողանա նկարագրել այն սարսափները, որպեսզի պատկերի ֆիզիկական և հոգեկան այն տառապանքները, որ կրեցին այդ անմեղ տառապալները»⁶⁴: «Փաստորեն «տեղահանություն կոչվածը» մեծ քանակությամբ մարդկանց հետ գործ ունենալու դեպքում աստիճանական ջարդերի արդյունավետ միջոց էր... ավելի դաժան՝ քան կոտորածը գնդակի կամ սվինի միջոցով»⁶⁵: Ամերիկայի հայոց հոգևոր առաջնորդ Վեհուհուն հղած նամակում Զավեն պատրիարքը նշում է, որ Կիլիկիայի տեղահանված հայերը, մի քանի ամիս ճանապարհին գտնվելով, հազարներով մահացել են սովից և հիվանդություններից⁶⁶: Տարագրյալներից այլընտրանք կար միայն կանանց համար, եթե վերջիններս ընդունեին մահմեդականություն և ամուսնանային թուրքերի հետ, սակայն նման շատ քիչ փաստեր են հայտնի⁶⁷:

Հայերին կոտորում էին տարբեր մեթոդներով. այրում էին կենդանի, գնդակահարում, դաշունահարում, կապում միմյանց և ցած շարտում բարձրությունից, նետում էին ջրհորները, մորթազերծ անում, տրորում ձիերի սըմքակների տակ, թաղում կենդանի, իսկ «թուրք ժողովրդիս թույլատրված էր ամեն տեսակ վարմունք և հայ աքսորյալները ենթարկվում էին անոր քմահաճույքին և ոչ մեկ բան զիրենք կը պաշտպանե»⁶⁸:

Եվ այսքանից հետո, 1916 թ. հունվարի 10-ին Աբդուլահադ Նուրին տարագրյալների հարցերի կարգադրման քննհանուր հանձնաժողովին հաղորդում էր. «Քննություններ կատարված ըլլալով կը հաստատենք, որ ընդհանուր բռնագաղթի ենթակա հայոց հազիվ թե տասը առ հարյուրը հասած են իրենց համար որոշված վայրերը: Մնացածը մեռած է քնակաճ պայմաններով, ինչպես են անօթություն և հիվանդություն»⁶⁹: Անտարակույս, «բնական պայմաններ» էին կոտորածները, զանգվածային ջարդերը, ցեղասպանությունը: Բա-

⁶¹ Геноцид армян..., с. 319.

⁶² Կիլիկիո կսկիծներ, էջ 144—145, 155:

⁶³ Геноцид армян..., с. 326.

⁶⁴ J. D. Morgan, Contre les Barbares de l'Orient. Etudes sur la Turquie, Paris, 1918. p. 183.

⁶⁵ The Times, 25. VII. 1916.

⁶⁶ Геноцид армян..., с. 342.

⁶⁷ Armenia Mar yrs Day, April 24, p. 12.

⁶⁸ Ազեռ և վերածնունդ, էջ 107:

⁶⁹ Հուշամատյան մեծ եղեռնի, էջ 531:

վական է նշել, որ միայն Եփրատի ափին գտնվող Մեսքենե դազթակայանում սրբաշվեք 55,000 մարդ: Անցնելով Դեր էլ Զորից մինչև Մոսուլ ընկած 350 կմ տարածությունը՝ 19000 հայերից կենդանի մնացին ընդամենը 2500-ը⁷⁰, նկարագրելով գաղթականներում գտնվող հայ մանուկներին, ականատեսը հիշում է, որ «ներանք չէին կարող խոսիլ, այլ երբ ուզեին պոռալ, տեսակ մը կոկորդային աղաղակ կ'արձակեին, որ ոչ մեկ մարդկային ձայնի կը նմաներ»⁷¹:

Միայն 1915—1916 թթ. Օսմանյան Թուրքիայում երիտթուրքերի կողմից փրականացված ցեղասպանության 1,5 միլիոն զոհերից մոտ 250,000—300,000-ը կազմում էին կիլիկիահայերը: Ցո. Լեփսիուսը, որը սխալմամբ կիլիկիահայության թիվը հաշվում էր 250,000, նշում է, որ նրանցից կենդանի մնացին ընդամենը 4000-ը⁷²:

Անշուշտ էին նաև նյութական և հոգևոր կորուստները: Մոխիճների մեջ կորան հոյակերտ կոթողներ, հայ ժողովրդի հոգևոր կյանքի անկրկնելի դոհարներ:

Կիլիկիայի բազմաթիվ վայրերում հայերը դիմում էին ինքնապաշտպանության՝ օրհասական պայքար մղելով իրենց բնաջնջելու ելած թուրք ջարդարների դեմ: Հայտնի է Ֆրնտրճազի մեկօրյա հերոսական, բայց միաժամանակ և ողբերգական ինքնապաշտպանությունը: Օգոստոսի 1-ից սեպտեմբերի 14-ը թուրքական կանոնավոր զորամասերին և խուժանին Տիգրան Անդրեասյանի և Նսայի Յաղուբյանի գլխավորությամբ անօրինակ դիմադրություն են ցույց տալիս Մուեթիայի հայերը, որոնք, ամրանալով Մուսա լեռան բարձունքներին, անկոտրում վճռականությամբ և անընկճելի համառությամբ հետ են մղում թշնամու բազմիցս զերակշիռ ուժերի անընդհատ կրկնվող գրոհները՝ դրանով իսկ կոնկրետ իրենց փրկությունը: Մուսա լեռան օրինակը հավաստում է, որ թուրք ոճրագործների դեմ հաջողության կարելի էր հասնել միայն կազմակերպված համառ դիմադրության միջոցով: Մուսալեռցիներն իրենց փրկությամբ և հաղթանակով ապացուցեցին, «որ ազատությունը խեղդողների դեմ պետք է պայքարի ելնել թեկուզ փոքրաթիվ ուժերով, նույնիսկ այն դեպքում, երբ այդ պայքարը խիստ անհավասար է»⁷³:

ГЕНОЦИД АРМЯН В КИЛИКИИ 1915—1916 гг.

Р. Г. ГАСПАРЯН

Резюме

Преследуя политические цели пантюркизма, желая «решить» Армянский вопрос, используя удобную ситуацию, сложившуюся в результате первой мировой войны, младотурецкое правительство решило истребить армян. Геноцид начал осуществляться повсеместно на территории всей Турции, как в Западной Армении, так и во всех армянонаселенных местностях империи.

В начале 1915 г. младотурецкое правительство депортировало 400.000 киликийских армян. В течение нескольких месяцев были депортированы и истреблены все армяне Зейтуна, Мараша, Хаджина, Сиса, Аданы, Айнтапа и других районов. Жертвами резни стали более 250.000 киликийских армян.

В ряде районов Киликии, в частности в районе горы Муса, армяне организовали мощную самооборону, которая увенчалась успехом. Это показало, что спасение армянского народа возможно было только посредством вооруженной борьбы.

⁷⁰ J. Guttman, The Beginnings of Genocide, New York, 1948. p. 9—10.

⁷¹ Աղետ և վերածնունդ, էջ 82:

⁷² Ց. Լեփսիուս, նշվ. աշխ., էջ 135:

⁷³ Ռ. Գ. Սահակյան, Ցեղասպանության պատմությունը, Երևան, 1990, էջ 190: